

UGOVOR

Br:0602-4068-15/19

o nabavci LOT 1 specijalni i kovani alat sa držalicama, alat i pribor za održavanje zelenila

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor , Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: "Penny Plus" d.o.o. Sarajevo , Igmanska bb, Vogošća, kojeg zastupa direktor Almedin Kadrić (u daljem tekstu: Dobavljač)
ID broj: 4200162210002, porezni broj PDV: 200162210002

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Otvorenog postupka za javnu nabavku roba - nabavku građevinskog alata, inventara i alata za održavanje zelenila LOT 1 specijalni i kovani alat sa držalicama, alat i pribor za održavanje zelenila, objavljenog na Portalu javnih nabavki BiH, broj Obavještenja 775-1-1-209-3-60/19 od 21.11.2019. godine, Sažetka obavještenja o nabavci objavljen u „Službenom glasniku BiH“ broj 78/19 od 29.11.2019. godine, Zapisnika o pregledu i ocjeni ponuda broj 0602-4068-11/19 od 06.12.2019. godine, prihvaćene ponude Dobavljača broj: 0602-4068-8/19 od 06.12.2019. godine i Odluke o izboru najpovoljnijeg ponuđača, broj: 0602-4068-12/19 od 11.12.2019. godine.

PREDMET UGOVORA

Član 2.

Predmet ovog Ugovora je nabavka roba – nabavku građevinskog alata, inventara i alata za održavanje zelenila LOT 1, specijalni i kovani alat sa držalicama, alat i pribor za održavanje zelenila prema zahtjevima Ugovornog organa i prema prihvaćenoj ponudi dobavljača.

Član 3.

Količine naznačene u Ponudi su orjentacione i Ugovorni organ zadržava pravo odstupanja od količina navedenih u prihvaćenoj ponudi, u zavisnosti od svojih potreba. Obostranim potpisivanjem Ugovora, Ugovorni organ ne preuzima obavezu niti garantuje izvršenje Ugovora u bilo kojem obimu ili vrijednosti. Realizacija Ugovora vršit će se u skladu sa potrebama i zahtjevima pojedinačnih (nabavki i isporuka) bez prava i ovlaštenja, dobavljača da diktira ili uslovaljava obim izvršenja Ugovora

UGOVORENA CIJENA

Član 4.

Ugovorena cijena za robe iz člana 2. ovog Ugovora iznosi:	
Cijena roba koja su predmet ovog Ugovora bez PDV-a iznosi	10.000,00KM
PDV na ponuđenu cijenu roba iznosi	1.700,00KM
Cijena roba koja su predmet ovog Ugovora sa PDV-om iznosi	11.700,00KM

Jedinične cijene date u ponudi su fiksne i nepromjenjive u toku trajanja Ugovora.

PLAĆANJE

Član 5.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 (šezdeset) dana nakon prijema uredno ispostavljene fakture za isporučenu robu na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biti će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 6.

Dobavljač se obavezuje da će usluge definisane članom 2. ovog Ugovora vršiti kontinuirano, a prema zahtjevu i potrebama Ugovornog organa, na adresu ul. Vlakovo bb, Sarajevo (Centralno skladište KJKP „POKOP“ d.o.o. Sarajevo – groblje „Vlakovo“), najkasnije u roku od 5 (pet) dana od momenta prijema pismene narudžbe od strane Ugovornog organa.

UGOVORNA KAZNA

Član 7.

U slučaju kašnjenja u izvršenju roba do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% promil naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao utjecati, niti ih predvidjeti.

GARANCIJE

Član 8.

Dobavljač garantuje da će isporuka definisana članom 1. ovog Ugovora biti kvalitetna, prema datom Obrascu za cijenu ponude, isporučena u roku i da je roba prve klase.

Garancija za kvalitet roba koje su predmet nabavke ne smije biti manja od 12 (dvanaest) mjeseci od dana isporuke. Ponuđač je dužan da za isporučenu robu dostavi proizvođačku garanciju ili garanciju ovlaštenog distributera.

Date reklamacije u trenutku primopredaje robe, Dobavljač je dužan da uvaži i u najkraćem mogućem roku otkloni nedostatke.

OSNOVNE OBAVEZE DOBAVLJAČA

Član 9.

Pored obaveza predviđenih važećim propisima, Dobavljač je posebno dužan da robe iz člana 2. ovog Ugovora isporuči stručno i kvalitetno, u svemu prema datoj Ponudi.

Član 10.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 11.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 12.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči robe kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora, ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 13.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 14.

Ugovorne strane su saglasne da sve što nije regulisano ovim Ugovorom regulišu važeće odredbe Zakona o obligacionim odnosima.

Član 15.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period 12 (dvanaest) mjeseci, počev od dana potpisivanja istog.

Član 16.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN:

KJKP „POKOP“ d.o.o. Sarajevo

izv.dir. Asmir Hodžić

Direktor, Goran Cerić

Broj, 0602-4068-15/19

Sarajevo, 26.12.2019. god.

DOBAVLJAČ:

„Penny Plus“ d.o.o. Sarajevo

Direktor, Almedin Kadrić

Broj, PPS.F-1P-24 965/2019

Sarajevo, 30.12.2019. .god.

